



Broj: 05-3987-6/19
Sarajevo, 30. 01. 2020. godine

Na osnovu člana 23. stav (1) tačka d) Zakona o Agenciji za bankarstvo FBiH („Službene novine FBiH“, broj 75/17), člana 16. stav 1) tačka j) Statuta Agencije za bankarstvo Federacije BiH („Službene novine FBiH“, broj 3/18), člana 64. stav (1) tačka a), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), član 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), na osnovu preporuke Komisije za nabavke iz Zapisnika o pregledu i ocjeni ponuda, broj: 05-3987-5/19 od 24. 01. 2020. godine, u postupku javne nabavke konsultantskih usluga, direktor Agencije za bankarstvo Federacije BiH donio je

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 05-3987-5/19 od 24. 01. 2020. godine i ugovor za javnu nabavku konsultantskih usluga za potrebe Agencije za bankarstvo Federacije BiH (u nastavku: Agencija) dodjeljuje se konzorcijumu – “Grant Thornton” d.o.o. Banja Luka i “Ekonomski institut” d.o.o. Banja Luka (u nastavku konzorcijum “Grant Thornton” d.o.o. Banja Luka) za ponuđenu cijenu od 84.100,00 KM bez uračunatog PDV-a, kao najbolje ocijenjenom ponuđaču u predmetnom postupku nabavke.

Član 2.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 3.

U skladu sa odredbama člana 70. stav (6) Zakona, Agencija će objaviti ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

Član 4.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

O B R A Z L O Ž E N J E

Odlukom o pokretanju postupka javne nabavke konsultantskih usluga, broj: 05-3987/19 od 30. 10. 2019. godine, odobreno je provođenje postupka nabavke predmetnih usluga za potrebe Agencije. Javna nabavka je provedena putem otvorenog postupka javne nabavke, a kao kriterij za dodjelu ugovora odabrana je ekonomski najpovoljnija ponuda.

U skladu s odlukom ugovornog organa imenovana je Komisija za nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.

Slijedom navednog, Komisija za nabavke je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su po

predmetnom postupku evidentirane dvije pravovremeno pristigle ponude, i to od strane ponuđača: konzorcijum "Grant Thornton" d.o.o. Banja Luka i "Ekonomski institut Sarajevo", koje su ocijenjene kao prihvatljive s obzirom na to da u cijelosti ispunjavaju zadane uslove i tehničke zahtjeve postavljene u tenderskoj dokumentaciji.

Tenderskom dokumentacijom definirano je da će se u predmetnom postupku nabavke odabir najpovoljnijeg ponuđača izvršiti primjenom kriterija ekonomski najpovoljnije ponude, uz primjenu niže navedenih potkriterija za vrednovanje ponuda, s relativnim učešćem u ukupnom broju bodova, kako slijedi:

- tehnička ponuda, koja se sastoji od tri elementa (metodologija rada, organizacija rada i plan rada), 80% i
- finansijska ponuda, 20%.

U skladu s navedenim, komisija je pristupila utvrđivanju broja bodova za svakog ponuđača na bazi relativnog učešća svakog kriterija u ukupno postavljenim kriterijima za odabir najpovoljnijeg ponuđača (zbir učešća pojedinačnih kriterija iznosi 100%).

Rezultati ocjene ponuda prema odabranom potkriterijima, s obračunom broja bodova ostvarenih na bazi relativnog učešća svakog kriterija u ukupno postavljenim kriterijima, prikazani su u narednim tabelama:

BODOVI PONUĐAČA PO OSNOVU KRITERIJA "TEHNIČKA PONUDA"

	PONUDA 1: KONZORCIJUM GRANT THORNTON D.O.O. BANJA LUKA		PONUDA 2: EKONOMSKI INSTITUT SARAJEVO	
Kriterij	Ocjena	Bodovi	Ocjena	Bodovi
1. Metodologija i organizacija rada		40		25
<i>1.1. Metodologija rada</i>	<i>Dobro</i>	<i>(25)</i>	<i>Zadovoljavajuće</i>	<i>(10)</i>
<i>1.2. Organizacija rada</i>	<i>Dobro</i>	<i>(10)</i>	<i>Dobro</i>	<i>(10)</i>
<i>1.3. Plan rada</i>	<i>Dobro</i>	<i>(5)</i>	<i>Dobro</i>	<i>(5)</i>
2. Kapaciteti izvršitelja	n/a	20	n/a	20
3. Iskustvo predloženih konsultanata	n/a	20	n/a	20
UKUPNO BODOVI TEHNIČKA PONUDA		80		65

BODOVI PONUĐAČA PO OSNOVU KRITERIJA "FINANSIJSKA PONUDA"

Red.br.	Ponuđači	Cijena	Bodovi
1.	KONZORCIJUM GRANT THORNTON D.O.O. BANJA LUKA	84.100,00 KM	14
2.	EKONOMSKI INSTITUT SARAJEVO	59.0000,00 KM	20

U narednoj fazi rada, komisija je izvršila vrednovanje ponuda zbrajanjem bodova po svim zadanim kriterijima za svakog učesnika u predmetnom postupku nabavke te rangirala ponude, kako je prikazano u narednoj tabeli:


R.B.	Ponudač	Tehnička ponuda Relativno učešće 80 %	Ponuđena cijena Relativno učešće 20%	Ukupno bodova	Rang
1.	Konzorcijum Grant Thornton d.o.o. Banja Luka	80	14	94	1
2.	Ekonomski institut Sarajevo	65	20	85	2

Na osnovu svega navedenog, primjenjujući zadani kriterij ekonomski najpovoljnije ponude, na osnovu kumulativne ocjene tehničke i finansijske ponude, u skladu s članovima 64 stav 1) tačka a) Zakona o javnim nabavkama, komisija je dala prijedlog da se ugovor za javnu nabavku ovih usluga dodijeli konzorcijumu "Grant Thornton" d.o.o. Banja Luka kao najuspješnijem ponuđaču u predmetnom postupku nabavke, s ukupno ostvarena 94 boda u odnosu na drugorangiranog ponuđača koji je osvojio 85 bodova.

Slijedom navedenog, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/ Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmuzić

Dostaviti:

- svim učesnicima u postupku
- a.a.